

سنة لکي در سعادت ایچون مجیدیه
بکرمی غروش حسابینه الشمس
غروشدر

طشره ایچون پوسته اجرتی اوله رق
اون بش غروش ضم اولتور

نسخه سی ۴۰ پاره در

فکرانک کمالک علییه

آبونه اولقی ایستینلر دائره عدلیه ده
اداره مخصوصه سنه مراجعت
ایتملیدر

اعلانانک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعہ اترسی و چهارشنبه کونلری نشر اولتور. محتویاتی امور عدلیه متعلقدر

حاکمات و مقدمات

قائم والدہ سی عایشہ بی قتل ایلدیکی ادعا اولنمسندن
دولای جنایتله اتهام اولنان ایواجقلى کرد علی اوغلی
خلیل ابراهیمک اون بش سنه مدتلہ کورکه قونلنسه
دائر بیغا سنجاغی بدایت محکمه سی جزا دائره سندن
ویریلان ۲۰۳ نومرولی اعلام

حاجی ادريس اوغلی حسینک کیفیت قتلندن دولای
جنایتله اتهام اولنان عبادہ بن ابراهیمک اون بش سنه
مدتلہ کورکه قونلنسه دائر کوملجنه سنجاغی بدایت
محکمه سی جزا دائره سندن ویریلان ۵۸۷ نومرولی اعلام
سلیمان بن علی بی قتل ایلدیکی ادعا اولنمسندن دولای
جنایتله اتهام اولنان خلیل بن سلیمانک اون بش سنه
مدتلہ کورکه قونلنسه دائر قوصوه ولایتی استیناف
محکمه سی جزا دائره سندن اعطا قلنان ۲۱ نومرولی اعلام
عبادہ بن حسنک قاتلی ابراهیمه معاونت ایلدیکی
ادعا اولنمسندن دولای جنایتله اتهام اولنان حسن بن
علینک اوچ سنه مدتلہ کورکه قونلنسه دائر معموره
الغریز ولایتی استیناف محکمه سی جزا دائره سندن
اعطا قلنان ۱۸۱ نومرولی اعلام

عقنه بی قتل ایلدیکی ادعا اولنمسندن دولای جنایتله
اتهام اولنان مزبورہ نک زوجی حسن بن کرکاهک
اون بش سنه مدتلہ کورکه قونلنسه دائر کر بلا سنجاغی
بدایت محکمه سی جزا دائره سندن ویریلان ۳۱
نومرولی اعلام

علی بن بکره قتل قصیدله سلاح انداخت ایلدکلی
ادعا اولنمسندن طولای جنایتله اتهام اولنان جمال
ورمضان وعازمک اوچر سنه مدتلہ کورکه قونلنسه
دائر پرشته سنجاغی بدایت محکمه سی جزا دائره سندن
ویریلان ۱۱۰ نومرولی اعلام

قوزانلی بقال طولی ایلانک دکانه اناختار
اویدره رق بالدخول نقود و اشیا سنی سرق ایلدکلی
ادعا اولنمسندن دولای جنایتله اتهام اولنان قوندره جی
قوجو ولد غوجو قره وان و بربر قتل ولد نانو
خاجی آدامونک اوچر سنه مدتلہ کورکه قونلنسه

دائر سر فیچه سنجاغی بدایت محکمه سی جزا دائره سندن
ویریلان ۴۱ نومرولی اعلام

آمر غیر مجبر صفیلہ عمر بن ولدک قاتلی فراری
تمره معاونت ایلدیکی ادعا قونلنمسندن دولای جنایتله
اتهام اولنان خلیل بن مختارک اون سنه مدتلہ کورکه
قونلنسه دائر کرکوک سنجاغی بدایت محکمه سی جزا
دائر سندن ایکنجی دفعه اوله رق ویریلان ۱۹۲
نومرولی اعلام

قورجی اسماعیلک کیفیت قتلندن دولای جنایتله
اتهام اولنان حسن بن مصطفانک اون بش سنه
مدتلہ کورکه قونلنسه دائر تکفور طاعی سنجاغی
بدایت محکمه سی جزا دائره سندن ویریلان ۲۲۴
نومرولی اعلام

فریدی ضرب ایدرک وفاتنه سبیت ویردیکی
ادعا اولنمسندن دولای جنایتله اتهام اولنان پولیس
مأموری احمد ناجی افندینک بش سنه مدتلہ کورکه
قونلنسه دائر ادرنه ولایتی استیناف محکمه سی جزا
دائر سندن اعطا قلنان ۳۶۱ نومرولی اعلام

حسن اوغلی خلیلک خانه سی دیوارندن آشهرق
حولیسنه بالدخول اینکنی سرقتہ تصدی ایتدکلی
ادعا اولنمسندن دولای جنایتله اتهام اولنان چولو
ولد دیمتر بنک اوچ سنه برآی ورفینی اطناشک اوچ
سنه مدتلہ کورکه قونلنسه دائر کوملجنه سنجاغی
بدایت محکمه سی جزا دائره سندن ویریلان ۵۷۰
نومرولی اعلام محکمه تمیز جزا دائره سنجه تصدیق
قونلشددر .

۴۳۵ نومرولی نسخه ده مندرج در سعادت
جنایت محکمه سی اعلانک مابعدی :

تقریر ایله تحقیقات ابتدایه ورقه سنده و محکمه
ضبطنامه سنده اوچوز یکریمی سنه سی اغستوسنک
یکرمی طقوزنجی بازار کیجہ سی ساعت بر راده لرندہ
حبسخانه عمومینک مجرمین دائره سنده منازعه ظهور
ایلدیکنک استخبار قلمسی اوزرینه ایچرویه بالدخول

تحقیقاته ابتدار اولندقدہ قتل قصیدله جرح ماده سندن
طولای اوچ سنه کورک جزا سیله محکوم بولنان
قاسم باشلی حاجی حسینک دیگر بر جرح ماده سندن
طولای ایکی سنه حبسه محکوم یکچشم یورکی بی سیاه
صاپلی چاقی ایله جرح ایتدیکی اکلاشیلہ رق افاده لرینه
مراجعت اولندقدہ مرقوماندن مجروح یورکینک
جارجی مرقوم حسن اولدینگی وحسینک دخی میانه
لرنده سبق ایدن منازعه بی تصدیق ایله برابر وقعه
کیجہ سی مرقوم یورکینک النده بر چاقی بولندینی
حالده هجوم ایتسیله مذکور چاقی الندن آلہ رق
یورکی بی جرح ایتدیکنی اقرار ایتدیکی مندرج بولنش
وطیب رابورندہ دخی مرقوم یورکی عندالمعاینه
صول اوموزی ایله صول بازوسی اوزرلرنده آلت
قاطعہ ایله حاصل ایکنی اوچر و اوچی بر بچق
سانیمترو طوللرنده عمققری عضله درونه قدر بش
عدد جرحه و ناحیه حیثله سی صول طرفنده عین
آلله حاصل اوچ سانیمترو طولنده عمق جوف بطنه
نافذ دیگر بر عدد جرحه و جرحه مذکورہ دن
بر مقدار عروہ معاینه نک خارجه چیقیدینی مشاهده
قلمش واشبو آفت جرحیہ لری کندوسی قرق کون
ایشندن معطل ایدرک مدت مذکورہ ظرفنده
درت یوز غروش اجرت تداوی ایله التیام ایلدیکی
کوسترلشددر .

قرائت اولنان اوراق مندرجانه قارشو نهدیه جکی
مهمدن صورلدقدہ افاده سابقه سنده اصرار وفیل
جرجی کندوسی ایقاع ایتدیکنی تذکار ایلدی .

مدعی عمومیلکک شهود پوصله سنده اسامیسی
محرر اولوب حبسخانه عمومیده برقتل ماده سندن
طولای اون بش سنه محکوماً محبوس بولنوب
اعلامی غیر مصدق بولنان حاجی اوغلی بازار جقلى
اوتوز بش یاشنده قیوجی احمد بن سعید ایله بر سرق
ماده سندن طولای اوچ سنه کورک جزا سیله محکوم
وکذلک اعلامی غیر مصدق اولان زعفرانبولی
اوتوز ایکی یاشنده اتمکجی محمد بن فیضی یکان یکان
حضور محکمه یه چیقاریله رق طرفینه برکونه قرابت

ومناسبت وغرض وخصوصتاری اولدیغنی لدی السوال سولایله علی الاصول تحلیفاری بعدالاجرا منفرداً ومواجهه استماع اولندقلرنده بولردن احمد برکون برقاج کشی ایله قفوشده اوطورمقدله ایکن متهم حسنی ایله مدعی یورکینک بریتین مادهسندن طولانی میانلرنده منازعه ظهور ایتمسلیله ینلاری تفریق ایستکلرنی وفعل جرحدن معلوماتی اولدیغنی افاده استتقایسته موافق صورتده تذکار و عندالاستفسار ماده جرحی کورمیوب فقط اسملاری بیله مدعی تعیین ایدمه چکی کسنلردن ایستدیکنی اخبار واتمکچی محمد دخی مرقوم احمدک افاده سنی تکرار ایدلیر .

نه دیه چکی متهمدن صورلدقده وقعه مک افاده سابقه سی وجهله جریان ایستدیکنی جوابنده بولندی . متهم حسنی طرفندن مدت قانونیه سی طرفنده جلیلی باهرنحال استدعا ومدعی عمومیلکه اسملر ینک امر تبلیغی اجرا قلان مدافعه شاهدلری اولوب علی الاصول حبسخانه عمومیدن کتوریلان وقتل ماده لرندن اون بشر سنیه محکوم اولوب اعلاملری مصدق بولان یکریمی بدی یاشنده یقه جلی باغچی جلال بن امین ایله یکریمی بش یاشنده اطه بازاری چرکس مصطفی بن سعید وفاتخده عرب جلیق ایدن وتوز

یاشنده جمعی مهاجر مصطفی بن محمد و یکریمی بش یاشنده آستانلی حال عرب مرجو نام دیگر خلیل بن مصطفی وفندقلیده ساکن قرق یاشنده چالی نام دیگر صالح بن غنان یکان یکان حضور محکمه به چقاریلر ق لدی السوال طرفینه برکونه قراوت ومناسبت وخصوصتاری اولدیغنی اکلاشلقدن وحقوق مدینه دن سقوطلری جهتله بلا حلف معلومات قبیلندن اوله رق استماع قلنق اوزره هر برینه اخطارات لازمه قانونیه ایضا اولندقدن صکره منفرداً ومواجهه اشهاد اولندقلرنده بولردن جلال وقعه کجه سی مدعی یورکی ایله قفوشدن چیقمقدله ایکن هان حسنینک اوزرینه هجوم ایتمسلیله کندوسی قفوشه کیردیکنی و قراکلی اولدیغنی جهتله النده برشی کورمدیکنی بیان ایستی .

چرکس مصطفی قفوشک قپوسنده اوطورمقدله ایکن مدعی یورکینک النده بیاض صایلی برچاق اولد یقی حاده متهم حسنینک اوزرینه هجوم ایتمکله کندوسی قفوشه قاجدیغنی سرد ایستی .

مهاجر مصطفی حسنی ایله یورکینک باغچده بربرینه صاریله رق اوراده بیقلدقلاری و اوصره ده یورکینک مجروح اولدیغنی ایستدیکنی وچاقینی کورمدیکنی اتیان ایلدی .

عرب مرجو نام دیگر خلیل یورکینک اطاله لسانه

برابر حسنی به هجوم ایستدیکنی وبالا آخره یورکینک مجروحیتی ایستدیکنی وچاقی کورمدیکنی اخبار ایلدی . اشبو شهداته قارشو نه دیه چکلری صورلدقده متهم دیه چکی اولدیغنی ومدعی یورکی دخی متهم باغچده حین ایقاع جرحده کیمسه اولدیغندن شهادت آتفه نک ثم التدارک اولدیغنی یاد ایدلیر .

جانب امانتدن کتوریدیلوب سیاه صایلی اولدیغنی کوریلان بیچاق مدعی شخصی ایله متهم ارانه قلندقدله هر ایکسیده آلت جرحک بو بیچاق اولدیغنی تعیین ایتملرله برابر متهم حسنی فقط مذکور چاقی کندوسنک اولدیغنی سولیدی .

حقوق عمومیه شاهدلردن برسرت مادهسندن طولانی ایکی سنیه محکوم بولان مدعی بن رانک اکال مدت ایدرک چیقدنی حبسخانه عمومیدن بامذکره بیان ایدلمکله مطالعه سی سوریلان معاون موئی الیهک طایب وجهله مرقومه یکدن جلبنامه تسطیرینه قرار ورلدیکنی ومتهم افاده سنی ضبط ایستدیکنی اکلا شیلان صبری افندینک دخی اظهار حقه مدار اولق اوزره جلی جانب ریاستدن تسلیب ایدیلرک محاکمه نک یوم آخره تعلیق قلندنی طرفینه آکلادلی .

(مابعدی کله چک نسخیه)

حایونک خلاف تنبیه اوزرنده سلاح طاشیدینی ثابت اوله مدیقندن برانته

یونانی واسیلک اندونک خانه سنی طاشلادینی اکلاشیه مدیقندن برانته

حایق اثرلی ضرب ایستدیکنی ثابت اوله مدیقندن برانته

میخالک سرسری اولدینی ثابت اوله مدیقندن برانته عیداه ایله عاده خاتمک بیکسنار خانی ضرب ایستدیکنی ثابت اوله مدیقندن برانته

مناحک ارامی ضرب ایستدیکنی ثابت اوله مدیقندن برانته

ایساقک محله ارسنده سلاح آندینی ثابت اوله مدیقندن برانته

علقونک فورشادی بی جرح ایلدیکنی اکلاشیه مدیقندن برانته

یانک نیقولی بی جرح ایلدیکنی ثابت اوله مدیقندن برانته

اندونک المانیا دولتی تبه سندن رنار ایزله ری ضرب ایلدیکنی ثابت اوله مدیقندن برانته

بحریه وفاطمه وزهرا خاتمک شریفه خانی ضرب ایستدیکنی اکلاشیه مدیقندن برانته

اندربانی ضرب و مرقومه اطاله لسان ایدن یونان

دولتی تبه سندن یاتیدن درت آلتون آله رق مضروب اعطاسنه امینه خاتمک ، کندیسنه امانه تودیع ایستدیکنی کوبه لری کم ایدرک امنیتی سوه استعمال ایستدیکنی ثابت اولان حسین اغاک ایکی آی حبسنه

فوطینک علقوی ضرب وجرح ایستدیکنی ثابت اولدیغندن ایکی لیرا آله رق علقویه اعطاسنه یکدیگری ضرب ایلدیکنی تین ایدن چشمه میدانده مقیم آراهی قدیرینک اون بش ومحمدک اون کون مدتلرله حبسلرینه

خلاف تنبیه علم وخبر وبردیکنی ثابت اولان بشکلاش ارمنی مختاری بدروس افادن بش بشکک جزای نقدی اخذینه

اوستریا دولتی تبه سندن یانی جرح ایدن آینه لی چشمه ده ساکن یورکینک ایکی لیرا آله رق مجروح مرقومه اعطاسنه

اوده سیانک یورکی به اطاله لسان و مرقومی ضرب ایلدیکنی ثابت اولدیغندن اون کون حبسنه

کافلمک زوجیه سی اسانی ضرب ایلدیکنی ثابت اولدیغندن لیرا آله رق مضروب به اعطاسنه

اقیمک نیقولینک امواله اراث خسار ایلدیکنی ثابت اولدیغندن اون بشکک جزای نقدی اخذینه

خلیلک اچقه سنی سرقت ایدن کر یاقونک اوج آی حبسنه

خلاف تنبیه اوزرنده سلاح طاشیدینی اصولاً ثابت اولان ایرانی حسیندن بش بشکک جزای نقدی آلتسنه

خبره سی قوشنده ساکن غنائک فاطمه نک اچقه سنی سرقت ایلدیکنی ثابت اولدیغندن اوج آی حبسنه وختام مدینه ضابطه جه کفالته ربطه

خلاف تنبیه حرکتی تین ایدن شربخانه زقاغنده ساکن یورکینک بش بشکک جزای نقدی اخذینه

عطار قوچونی ضرب ایدن قاسم پاشاده قهوه سی فتاحک برهفته حبسنه و برلیرا آله رق مضروب اعطاسنه درسمادت ، بک اوغلی واسکدار بدایت محکمه لری جزا دائره لرجه قرار ویرلشدرد .

اعلان

درسمادت اصتیاف مدعی عمومیلکندنه :

قلب اچقه اعمال واستعمال ایلدیکنی اذناسلیله مظنون علیهمدن اولوب غیر موقوفه بولان تقسیمده مزادلق زقاغنده بقوص افندینک متصرف اولدیغنی

یکری نومرولی خانه ده مستأجر ا مقیم قاروقسانتولونک زوجیه سی تبه یونانییدن قاتنه نک اصول محاکات جزایه قانوننک مواد مخصوصه سی احکامنه توفیقاً موقوف بولان رفقایسلیه برلکده درسمادت جنایت محکمه سنده محاکمه لری اجرا قلنق اوزره قانون جزانک یوز قرق اوچنی ماده سی موجب جنایتله اتهامه قرار ویرلیدکندن متهم مزبورنک هر زرده کوربورایسه طوتیلوب محکمه مذکوره توقیفخانه سنه تسلیبی لازم کله چکی بالجله ضابطه عدلیه مامورلرینک معلومی اولق اوزره اشبو اخذ وکرفت مذکره سی درسمادت هیئت اتهامیه سندن بالتنظیم اعطا قلندی .

درسمادت منابت حکم سنده :

محال متدده دن وقوعولان سرقتلردن طولانی متهم بولان محمود وعزیز وسارنه نک شریک جرملری اولوب فرار ایدن غلطه ده یوسکک قالدیرمه دینا بوطک قهوه خانه سنده ساکن اوزون بویلی ، ضعیف قره کوزلی ، از بیقلی ، وارنه لی علی ایله قاتخ جوارنده یکی هام جاده سنده عمارت عتیق محله سنده قبه درکاهی قارشوسنده ۱۴ نومرولی حسن اغاک خانه سنده مقیم قیصه بویلی ، الا کوزلی ، صاری حاجلی ، از صاری بیقلی ، اوفق اغزو متوسط برونی ، بیاض وصاریجه بکرلی ، اون سکرز یاشنده تیمورچی روسجلی حسین دردست اولنه مامش اولدقلردن تاریخندن اعتباراً جانب ریاستدن مرقومانه مجدداً اون کون مهل اعطا قلنمشدر مهل معین طرفنده محکمه به کلدیکری حاده قانونه اطاعت ایتمامش نظریله باقیله رق حقوق مدینه دن اسقاط قلنجه قلمری وعلهنده دعوایه قیام اوله جنی ومالیرینک حیز لته آله جنی وبوصره ده برکونه ادطیه حقاری اوله میه جنی وبالجله ضابطه عدلیه مامورلرینک کندولرینی طومغه مجبور بولندقلری امری اعطا ومعاملات حیزبه حقنده دخی مدعی عمومیلکه تبلیغات مقتضیه اجرا ایلدیکنی جهتله اصول محاکات جزایه قانوننک اوچونیمش برنجی و اوچونیمش ایکنجی ماده لرندن استنباط اولان احکامه توفیقاً اشبو قرارنامه بالتنظیم اعلان اولنورد .

تجارت بحریه حکم سنده :

درسمادته یکی قبوده صوغاخیلرده اوطه سنده ساکن ایکن تجارت بحریه محکمه سندن افلاسنه حکم اولنش اولان حطب تیارندن مولود اغا ذمتنده آله جنی اثبات ویا موقه قبول وقید ایستدیرمش اولان آله جققلرک قانوننامه تجارتک ۲۱۱ نجی وآنی

ولی ایدن ماده سی موجب جنیه مفلس طرفندن تکلیف اوله جق قوقورداتونک مذاکره سی ایچون (۲۹ کانون اول سنه ۳۲۱) تاریخنه مصادف نجشبه کونی محکمه مذکوره نک مصالح افلاسیه رؤیتنه مخصوص اوطه سنه کلری اعلان اولنورد .

غلطه ده موخانه جاده سنده ۶۵ نومرولی مغازه ده ساکن ایکن تجارت بحریه محکمه سندن افلاسنه حکم اولنش اولان مادام ق م آرکریادیس ذمتنده آله جنی اثبات ویا موقه قبول وقید ایستدیرمش اولان آله جققلرک قانوننامه تجارتک ۲۱۱ نجی وآنی ولی ایدن ماده سی موجب جنیه مفلس طرفندن تکلیف اوله جق قوقورداتونک مذاکره سی ایچون (۳۱ کانون اول سنه ۳۲۱) تاریخنه مصادف جمعه ایرتسی کونی محکمه مذکوره نک مصالح افلاسیه رؤیتنه مخصوص اوطه سنه کلری اعلان اولنورد .

ایکنجی تجارت حکم سنده :

استانبولده سلطان حمامنده هاجویلو خاننده ۲۲ نومرولی مغازه ده اجرای تجارت ایتمکده ایکن ایکنجی محکمه تجارتدن افلاسنه حکم اولنش اولان تجارتدن ۱۰ « ق » بیلمدانیانک خصوصات افلا سیه سنک رؤیت وتسویسی ضمتنده دعوی وکیللردن ابراهیم خلیل و کورغیان کیفورق افندیلر اصالة سندنیک تعیین قلنمش اولدقلردن مفلس مرقوم ذمتنده آله جنی اولنرک قانوننامه تجارتک ۱۹۹ و ۲۰۰ نجی ماده لری موجب تحقیق دیون ایچون تاریخ اعلاندن اعتباراً یکری برکون طرفنده سنداتی محکمه کاتبه تسلیم ایللری ومدت مذکوره ختامندن صکره اوج کونده یعنی اشبو بیسک اوچونیمش یکری بر سنه سی کانون نایسنکک اون برنجی چهارشنبه واون ایکنجی نجشبه واون دردنجی جمعه ایرتسی کونلری ایکنجی محکمه تجارتک مصالح افلاسیه رؤیتنه مخصوص اوطه سنه کلرک سندیک افندیلر مواجهه سنده آله جققلرینی اثبات وقید وتصدیق ایستدیرماری ومدت مذکوره اثبات وجود ایدمه میان آله جققلرلر حقنده قانون مذکورک ۲۱۰ نجی ماده سنه توفیقاً ایشای معامله اوله جنی اعلان اولنورد .

استانبولده محمود پاشاده مقیم مغازه ده ایساق اسکنازی ونسیون قاقی وشراکسنک ۲۱ کانون اول سنه ۳۲۱ تاریخندن اعتباراً اعلان افلاسنه مصالح افلاسیه نک رؤیت وتسویسی ضمتنده اعضا ملازمی عزتلر یاقو افندینک زورقو میسر ودعوی وکیللردن شکیب ومارقو ناحوم افندیلرک موقت سندیک تعیینلرینه

ومغازه لری ایله ایشای زانده یتیلرینک تمهیرینه واوراق ودقارتینک جلینه وکندیلرینک حبس وتوقیفه وبو باده کی قراک موقه اجراسنه ایکنجی تجارت محکمه سندن قرار ویرلش اولدیغندن قانوننامه تجارتک ۱۷۰ نجی ماده سی موجب جنیه دائمی سندیکلر انتخاب اولنق اوزره [۵ کانون ثانی سنه ۳۲۱] نجشبه کونی ساعت بدی راده لرنده اصحاب مطلوبک محکمه مذکورده نک مصالح افلاسیه رؤیتنه مخصوص اوطه سنه کلری اعلان اولنورد .

درسمادته باغ اسکله سنده یوز قرق بدی نومرولی اوطه ده مقیم تجارت غوطو برادرلر طرفندن اقدجه قاضی کوبنده عزیزه زقاغنده ساکن ایکن الیم اقامتکاهی مجهول ایدوک قاضی کوی روم مختاری طرفندن اولباده کی احضار نامه ظهیرنه یازیلان شرحدن اکلاشیلان بوردان لینبولو علیه نه درسمادت ایکنجی تجارت محکمه سنده اقامه اولنان بیش عدد عثمانلی لیراسی مطالبات دعواسی اشبو بیسک اوچونیمش یکری بر سنه سی کانون اولنک اوتوز برنجی جمعه ایرتسی کونی ساعت الی راده لرنده فصل ورؤیت اوله جقندن یوم و وقت مزبورده مدعی علیه مرقوم لینبولونک بالذات محکمه مذکوره ده حاضر بولنسی ویاخود مصدق سندله بر وکل کوندیرمسی لازم کله چکی وششاد کلر ووکل کوندیرمسی ایسه حقنده معامله غایبه اجرا قلنجه جنی معلوم اولق اوزره تنظیم اولنان دعوتیه ورقه سی محکمه نک دیوانخانه سنه تعلیق اولدیغنی کی اوراق حوادث واسطه سیله دخی اعلانه ابتدار قلندی .

بصره دولتی مرکز تجارت حکم سنده :

بصره نک کاظم اغا چارشوسنده ساکن ایکن بصره مرکز تجارت محکمه سندن افلاسنه حکم اولنش اولان بزاز یوسف افرایم وپدری متوفی افرایم موشی ذمتلرنده آله جنی اثبات ویا موقه قبول وقید ایستدیرمش اولان آله جققلرک قانون تجارتک ۲۱۱ نجی وانی ولی ایدن ماده لری موجب جنیه مفلس طرفندن تکلیف اوله جق قوقورداتونک مذاکره سی ایچون اشبو بیسک اوچونیمش یکری بر سنه سی شهر تشرین اولک اوتوزنجی بازار کونی ساعت درت راده لرنده محکمه مذکوره نک مصالح افلاسیه رؤیتنه مخصوص اوطه سنه کلری اعلان اولنورد .

اعمویات شرعیه امری ادره سنده :

متوفی عاصم افندینک نقود موقوفه سی متولسی علی افندینک بقال اصنافدن بلغر اجدیقلی اجدافندی

ذمتنده الاجنئ اولان مبالغ معلومه نك تأمین استیفا سی
ضمننده مدیون مومی الیهك عهده سنده اولوب اشبو
دینی مقابلنده مرهون و قسمت عسكریه محكمه سی
اعلامیه فروختی محكوم بولنان ایوبده جزری قاسم
پاشا محله سنده زال محمود پاشا جاده سنده واقع یوز
یکرمی ایکی نومرو ایله مرقم برباب وقف بقال دکانی
درونده مستقر نظاملو بر عدد بقال کدکنک ربع
حصه شایعه سیله محله مذکورده چوملکچیلر
جاده سنده کائن اون بدی واون طقوز نومرولر ایله
مرقم منزلی مشتمل برباب وقف حلواجی دکانی
درونده موجود حلواجی کدکی تعیر اولنور وقف
آلات لازمه معلومه ایله سالف الذکر یوز یکرمی
ایکی نومرولی دکان درونده موجود وقف بقال
کدکنک یوز یکرمی سهم اعتباریه یتیم سهم حصه
شایعه سی اشبو تاریخ اعلاندن اعتباراً اون بش کون
صکره بالمزایده فروخته تشبث اولنه جفندن طالب
اولنلارک پی سورمک ودها زیاده معلومات المق
استیانلارک مدت مذکورده ختامندن صکره درسمادت
اعلامات شرعیه اجرا دائره سنه مراجعت ایملری
اعلان اولنور .

بالقجی اصنافندن متوفی محمدنوری افا ورثه سنک
عسا کرشاهانه بیکاشیلرندن عمرلطقی افندی ذمتنده
قسمت عسکریه محكمه سندن اعطا قلنمش اولان
برقطعه مقتضا اعلامی موجبجه آله جقلری اولان
مبالغ معلومه نك تأمین استیفا سی ضمننده مدیون
مومی الیهك عهده سنده اولوب اشبو دینی مقابلنده
مرهون و فروختی محكوم بولنان ایوب جوارنده
حمیدیه قریه سنده ایوب جاده سنده واقع یکرمی سکر
نومرو ایله مرقم برباب ملک منزلك تاریخ اعلاندن
اعتباراً اون بش کون صکره بالمزایده فروخته تشبث
اولنه جفندن طالب اولنلارک پی سورمک ودها زیاده
معلومات المق ایستیانلارک مدت مذکورده ختامندن
صکره درسمادت اعلامات شرعیه اجرا دائره سنه
مراجعت ایملری اعلان اولنور .

محکمہ تجارت اجراء دائره سنه :

واحد قولولیانك ایکنجی محكمه تجارت اعلامیه
فریده خانم ذمتنده محكوم به الاجنئ اولان اوتوز
لیرانك مع قاض و مصارف محاکمه تأمین استیفا سی
ایچون مدیونه مومی الیهانك متوفاة والدسندن منتقلاً
بشکطاشده تشویقیه محله سنده احمد افا زقاغنده مکرر
بر نومرولرله مرقم علی التخمین یتیم ذراع عتیق
عرصه اوزرینه مبنی اخشاب ایکی باب ارپه جی

و کورجی دکانلرنده دردر سهم اعتباریه متصرفه
اولدینی بر یقچ سهم حصه لری بوندن اقدام موقع
مزایده قونیلررق عثمانی لیراسی یوزغروش حسابیه
اوجبیک ایکی یوز غروشه طالبی عهده سنده قلمش
وتاریخ اعلاندن اعتباراً اوتوز برکونه یعنی کانون
تاینک یکرمی یدنجی جمعه کونی ساعت اونه قدر
یوزده بش ضم قبول اولنسی و ذکر اولنان یوم
وساعتده صوک مزایده سی بالاجرا قرار قطعیه سی
ویرلرک طالبی عهده سنده یکورنسی مقرر بولنش
اولدیفندن واندن صکره هر نه ضم وقوع بولور ایسه
قبول اولنیه جفندن حصص مذکورده یوزده بش
ضمیله طالب اولنلارک ودها زیاده معلومات المق
ایستیانلارک مدت مزبورده ظرفنده بدل مزایده نك
عشرینه مساوی پی اتجسیله برابر محكمه تجارت اجرا
دائره سنه مراجعت ایملری و یوم وقت مزبورده
مذکور دکانلر پیشکاهنده مأموری مواجهه سنده
حاضر بولملری اعلان اولنور .

درسمادت اعلامات نظامیه اجراء دائره سنه :

فضیلتو فائق بکک حافظ حسن افندی ذمتنده
محكوم به آله جفندن طولانی حجز آلتیه آلدریلان
حمیدیه قریه سنده جمعه محله سنده جامع شریف زقاغنده
واقع درونده برصانلق و بر آخوری حاوی تخمیناً
سکتر یوز آرشون مقداری عرصه نك تاریخ اعلاندن
اعتباراً اون بش کون صکره بالمزایده فروخته تشبث
اولنه جفی درسمادت اعلامات نظامیه اجرا دائره سندن
اعلان اولنور .

امینه صابره خانمک ثانیه خانم ذمتنده بااعلام
نظامی الهجنئ اولان مبالغدن طولانی حجز آلتیه
الدریلان صالمه طمر قده کفوی محله سنده خان زقاغنده
تخمیناً یتیم بش آرشون عرصه اوزرینه مبنی ایکی
قائدن عبارت اوج اوطه و بر صوفه و بر مطبخ و بر قیوی
حاوی شهری درت مجیدیه ایجار کتورر و درت
نومرولو برباب اخشاب خانه تمامی علی الاصول اجرا
قلنان مزایده نتیجه سنده لیرای عثمانی یوز غروش
حسابیه بشیک یوز غروشه طالبی عهده سنده
تقرر ایدرک موقه قرار داده سی کشیده قلنمش
اولدیفندن یوزده بش ضم ایله طالب اولنلارک اوتوز بر
کون ظرفنده درسمادت اعلامات نظامیه اجرا
دائره سنه مراجعت ایملری اعلان اولنور .

ماریم بنت قره بتک الهجنئ اولان مبالغه مقابل
مغردیچ اوخانسیان طرفندن مرهون و فروختی محكوم
بولنان مصلاده شیخ فرهاد محله سنده ایازمه زقاغنده

واقع تخمیناً التیمش اوج آرشون عرصه اوزرینه مبنی
اوج اوطه پی حاوی اوتوز بر نومرولو برباب اخشاب
خانه تمامی بالمزایده لیرای عثمانی یوز غروش حسابیه
اوجبیک غروشه طالبی عهده سنده تقرر ایدرک
موقه قرار داده سی کشیده قلنمش اولدیفندن یوزده
بش ضم ایله طالب اولنلارک تاریخ اعلاندن اعتباراً
اوتوز برکون ظرفنده درسمادت اعلامات نظامیه
اجرا دائره سنه مراجعت ایملری اعلان اولنور .

شبه قضاسی بدایت محکمہ سی اجراء دائره سنه :

شبه قضاسنه تابع قورقاللی قریه سی اهالیسندن
امام اوغلی علی افانك اوجیوز یکرمی سنه سی
بدل التزامندن طولانی خزینه جلیله دینی بولنان
مبالغ معلومه نك تأمین استیفا سی ضمننده مدیون
مرقومک عهده تصرف و تملککنده مقید اولوب اولجه
حجز آلتیه التیمش اولان قریه مذکورده درونده واقع
شرقاً علی غرباً منصور اوغلی املاکی ایله شمالاً و جنوباً
خندق ایله محدود نصف باغچه وینه دومبای یقه جفی
نام محله شرقاً یول و غرباً قاش شمالاً و جنوباً
عثمانلر ترلاسیله محدود برقطعه ترلا وینه چامورلی
موقعنده کائن شرقاً سیوری اوغلی و غرباً عثمانلر
و شمالاً و جنوباً منقر اوغلی ترلالریله محدود برقطعه
ترلا وینه سازکراز موقعنده واقع شرقاً قوم و غرباً
کول و شمالاً و جنوباً ترزی اوغلی ایله محدود برقطعه
ترلا وینه قاینارجه موقعنده کائن شرقاً ترزی اوغلی
غرباً منقر اوغلی ترلالریله و شمالاً و جنوباً خندق
ایله محدود برقطعه ترلا وینه بقال باغنده شرقاً حسن
اوغلی غرباً و شمالاً امام اوغلی ترلالری ایله محدود
برقطعه ترلا وینه بوستان باشنده واقع شرقاً خندق
و غرباً و شمالاً منصور اوغلاری و جنوباً علی ترلاسی
ایله محدود برقطعه ترلا وینه باغ یاننده واقع شرقاً
منصور اوغلی غرباً منقر اوغلی و شمالاً و جنوباً حاجی
حسن ترلالری ایله محدود برقطعه ترلا وینه یعقوبلی
قارشو سنده واقع شرقاً منقر و غرباً منصور اوغلی
و شمالاً پیکار صوبی و جنوباً خندق ایله محدود برقطعه
ترلا وینه خانه یاننده شرقاً طریق و غرباً محمدخانه سی
و پیکار صوبی و شمالاً قره اغاج جنوباً اینجه حسین
اوغلی و حاجی حسین اوغلی و علی خرمنی ایله محدود
برقطعه ترلانك تاریخ اعلاندن اعتباراً اون بش کون
صکره بالمزایده فروخته تشبث اولنه جفی شبه قضاسی
بدایت محکمہ سی اجرا دائره سندن اعلان اولنور .